

ქალაქ თბილისის მუნიციპალიტეტის საკრებულო

განკარგულება №

—ივნისი 2018 წელი

**„ქ. თბილისში, საბურთალოს რაიონში, გაგარინის II შესახვევისთვის მელიტონ ქანთარიას სახელის მინიჭების შესახებ“ 2006 წლის 12 ივლისის N72 დადგენილების არარად გამოცხადების შესახებ**

1. ქ.თბილისის პრემიერის 1999 წლის 12 ნოემბრის №918 განკარგულების თანახმად საბურთალოს რაიონში, იური გაგარინის ქუჩის II შესახვევს მიენიჭა აკაკი გახოკიძის ქუჩის სახელი. იგივე გეოგრაფიულ ობიექტს, იური გაგარინის II შესახვევს, ქ.თბილისის საკრებულოს 2006 წლის 12 ივლისის №72 დადგენილების თანახმად ეწოდა მელიტონ ქანთარიას სახელი. საკითხის შესწავლის შემდეგ დადგინდა, რომ 2006 წლის 12 ივლისის №72 დადგენილება ამ დრომდე არ არის აღსრულებული, რადგან სახელი მიენიჭა გეოგრაფიულ ობიექტს, რომელიც 1999 წლის 12 ნოემბრიდან აღარ არსებობდა და ფაქტობრივი მიზეზები არ იძლევა აქტის შესრულების შესაძლებლობას.

საქართველოს ორგანული კანონის - “ადგილობრივი თვითმმართველობის კოდექსი” 68-ე მუხლის პირველი პუნქტის „გ“ ქვეპუნქტის, საქართველოს ზოგადი ადმინისტრაციული კოდექსის მე-60 მუხლის „გ“ ქვეპუნქტის, „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, საქართველოს მთავრობის 2015 წლის 1 ივნისის №239 დადგენილებისა და „ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, ქ.თბილისის მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად, ქ.თბილისის მუნიციპალიტეტის საკრებულომ დაადგინა:

ა) არარად გამოცხადდეს საბურთალოს რაიონში, „ქ. თბილისში, საბურთალოს რაიონში, გაგარინის II შესახვევისთვის მელიტონ ქანთარიას სახელის მინიჭების შესახებ“ 2006 წლის 12 ივლისის N72 დადგენილება.

ბ) ქ.თბილისის მუნიციპალიტეტის მერიამ, ოთხი თვის ვადაში, უზრუნველყოს ამ განკარგულების შესასრულებლად საჭირო დონისძიებების განხორციელება.

2. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, მე-12 კმ., №6).

საკრებულოს თავმჯდომარე

გიორგი ტყემალაძე

ქალაქ თბილისის მუნიციპალიტეტის საკრებულო

განკარგულება №

—ივნისი 2018 წელი

**ქ. თბილისში, ვაკის რაიონში, ავთო ვარაზის ქუჩასთან მდებარე უსახელო ქუჩისთვის  
მელიტონ ქანთარას სახელის მინიჭების შესახებ**

1. საქართველოს ორგანული კანონის - “ადგილობრივი თვითმმართველობის კოდექსი” 68-ე მუხლის პირველი პუნქტის „გ“ ქვეპუნქტის, „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, საქართველოს მთავრობის 2015 წლის 1 ივნისის №239 დადგენილებისა და „ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, ქ.თბილისის მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად, ქ.თბილისის მუნიციპალიტეტის საკრებულომ დაადგინა:

ა) ვაკის რაიონში, ავთო ვარაზის ქუჩასთან მდებარე უსახელო ქუჩას მიენიჭოს მელიტონ ქანთარას სახელი, თანდართული რუკის თანახმად.

ბ) ქ.თბილისის მუნიციპალიტეტის მერიამ, ოთხი თვის ვადაში, უზრუნველყოს ამ განკარგულების შესასრულებლად საჭირო ღონისძიებების განხორციელება.

2. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, მე-12 კმ., №6).

საკრებულოს თავმჯდომარე

გიორგი ტყემალაძე



X:477,193.526  
Y:4,620,107.974

მელოტონ ქაზნაირის ქ.

X:477,616.109  
Y:4,620,085.391

X:477,700.632  
Y:4,620,158.619

X:477,634.734  
Y:4,620,200.954

1:2,500



107 (წიხვედადი  
სიყბო)



საქართველოს იუსტიციის სამინისტრო

საჯარო სამართლის იურიდიული პირი

საქართველოს ეროვნული არქივი



KA011908542486017

თბილისის ცენტრალური არქივი თბილისი, ზაქარიაძის ქ. #4. ტელ.: 2 39 01 80

№ 14/6998

23 / იანვარი / 2017 წ.

თბილისის მუნიციპალიტეტის საკრებულოს სახელდების  
და სიმბოლოების კომისიის თავმჯდომარეს ქალბატონ ლია  
ჯახველაძეს

ქალბატონო ლია,

თქვენი 2017 წლის 13 იანვრის N06-3/36 მომართვის პასუხად გეგზავნებათ თბილისის მშრომელთა დეპუტატების  
საქალაქო საბჭოს აღმასკომის 1968 წლის 10 აპრილის N204 გადაწყვეტილება, ორჯონიკიძის რაიონში მდებარე  
კოლხეთის ქუჩისთვის იური გაგარინის სახელის მინიჭების შესახებ და ქალაქ თბილისის პრემიერის 1999 წლის 12  
ნოემბრის N918 განკარგულება, საბურთალოს რაიონში მდებარე იური გაგარინის ქუჩის მე-2 შესახვევისთვის აკაკი  
გახოკიძის სახელის მიკუთვნების შესახებ.

ამასთანავე გაცნობებთ, რომ თბილისის საქალაქო საბჭოს აღმასკომის (ქალაქ თბილისის მერიის) 1921-2000 წლების  
დოკუმენტებში, გადაწყვეტილება იური გაგარინის მე-2 შესახვევისთვის ოჩამჩირის ქუჩის სახელის მინიჭების  
შესახებ არ არის დაცული.

დანართი: 5 ფურცელი.


პატივისცემით,

არქივის დირექტორი

*მ. ვ. ხაჭავაძე*

მკა კვარაცხელია

N06-3/36 24.01.2017  
საქართველოს იუსტიციის სამინისტროს  
საქართველოს კანონების  
სამინისტროს განყოფილება  
თბილისი რაიონი - 6 ფაჩვი



# ქალაქ თბილისის პრემიერი

თბილისი 380007, თავისუფლების მოედანი 2

2. Liberty square 380007, Tbilisi

11.99 № 918

## ს ა ნ კ ა რ გ უ ლ ე ბ ა

ქალაქ თბილისის ქუჩებისათვის სახელების მიკუთვნების შესახებ

ქალაქ თბილისის მერიასთან არსებული მრჩეველთა საბჭოს რეკომენდაციებისა და კულტურის სამმართველოს წინადადებათა საფუძველზე ამიერიდან ეწოდოს

### საბურთალოს რაიონში

ივანე გარნიის ქუჩის II შესახვევს აკაკი გახვიძის სახელი  
მღვანედოსის ქუჩას არაკლი გამყრელიძის სახელი

### ვაკის რაიონში

ალყაზბეგის გამზირის ჩიხს - კალისტრატე ქუთათელაძის სახელი

### მთაწმინდის რაიონში

ვბარნოვის ქუჩის I შესახვევს - თეიმურაზ ჩირვაძის სახელი  
ვბარნოვის ქუჩის II შესახვევს - ანთონა გურგულიას სახელი  
მთაწმინდის ქუჩის II შესახვევს - ზაქარია ქერდიანის სახელი  
გახვლედიანის ქუჩის შესახვევს - რომან მამახონიძის სახელი

### სუფურეთის რაიონში

დავასარევას ქუჩას - ნინო და კალისტრატე სალომეის სახელი  
თამარაშვილის ქუჩის I და II ჩიხს - პეტრე ბაგრატიონის I და II ჩიხი

სამართლებრივი პროცესი  
ს ს ლ ი


სამგორის რაინში:

აბზიანიძის ქუჩის პარალელუ - ვაჟა ბანეთიშვილის სახელი.  
რად მდებარე უსახელო ქუჩას


2. დაევალოთ საბურთალოს მთაწმინდისა და ჩუღურეთის  
რაიონულ გამგეობებს - ერთი თვის ვადაში უზრუნველყონ შესაბამისი  
მაჩვენებლების დამზადება და სათანადო ცვლილებების შეტანა  
დოკუმენტებში.

3. კონტროლი დადგენილების შესრულებაზე დაევალოს  
პრემიერის მოადგილეს მეხრან მდივანს.

ქთბილისის პრემიერი



გ.შვრატე



თბილისის მიმართული საჯარო საბჭოს  
აღმასრულებელი კომიტეტის სხდომისა  
10 აპრილი 1968 წელი

სხდომას ესწრებოდნენ: თბილისის საჯარო საბჭოს აღმასკომის  
თავმჯდომარე ამბ. მ. ე. ბუხრაშვილი

თავმჯდომარის მოადგილეები: ამბ. ამბ. ვ. ა. ჩოგინაშვილი, გ. ნ. გომიძე,  
ბ. ა. ჟვანია, ი. თ. ურუშიძე

თბილისის საჯარო საბჭოს აღმასკომის მდივანი ამბ. ვ. დ. ჩაღაძე

აღმასკომის წევრები: ამბ. ამბ. მ. ვ. ბაბუნაშვილი, ვ. ვ. გუგუნაძე, მ. ა. დუმიძე,  
თ. ნ. ეგაძე, ვ. ე. კვთილაძე, თ. ი. ლომიძე, ვ. ს. მუხრან-  
შვილი, ი. ნ. ჩხენკელი, ვ. ს. ჯანაძე, ვ. დ. მანუკიძე;

აღმასკომის განყოფილებების,  
სამმართველოების და ტრესტე-  
ბის ხელმძღვანელები:

ამბ. ამბ. გ. ი. აფხაძე, ი. ი. ბოჭორია, უ. ს. ბაქრა-  
ძე, გ. ი. მასილაშვილი, ა. დ. ბუაძე, ნ. ა. გოგრიძე,  
მ. ე. თველიძე, ი. მ. კობერიძე, ა. ნ. კვაბიანი,  
მ. ე. კახიანი, ს. დ. ლომიძე, გ. ნ. მუჩინაშვილი,  
ვ. ა. მახარაძე, ა. ნ. მელიქიძე, მ. გ. მურდულია,  
ვ. ვ. მუმლაძე, მ. ი. ნემსაძე, ე. ნ. თვიაშვილი,  
ვ. ვ. ჭანიანი, ნ. დ. სურგულაძე, ვ. გ. სურაძე,  
ვ. გ. ფეფეიშვილი, თ. გ. ყანაყანი, ვ. ი. შარა-  
შვილი, ვ. ი. ჩოხიანი, გ. ი. ჩხიკვაძე, მ. ს. ჩი-  
კვაძე, ვ. ფ. ჯანაძე, მ. ა. ჯანაძე;

სახალხო კონსტრუქციის თბილისის საჯარო კომიტეტის თავმჯდომარე  
ამბ. ვ. ნ. ხოძელი

კარგიური კომიტეტის მდივანი - ამბ. ა. ი. ჩანთაძე

რანსაბჭოების აღმასკომების  
თავმჯდომარეები:

პირველი მაისის  
ოქტომბრის  
26 კომისიის

-ამბ. ნ. ა. გუნიცაძე  
-ამბ. ვ. ვ. ანაშვილი  
-ამბ. ა. ვ. კორძია

წევლის სარაბო საბჭოს აღმასკომის თავმჯდომარე - ამბ. დ. ი. ბარბაქაძე

რანსაბჭოს აღმასკომის  
თავმჯდომარის მოადგილე: კალინიკის

-ამბ. ს. გ. მანოძე

აღმასკომის უფროსი იურისკონსულტი - ამბ. ნ. რ. ბარბაქაძე  
ქალაქის პროკურორი - ამბ. ა. ე. ფაკიძე





204

§1  
შეკითხვით  
29 მარტი  
1968 წ.

კობახიძის ქუჩის სახლის გვირგვინის კონსტრუქციის  
მიგრაციის იური ადვოკატის ძე გაგარინის  
სახლის მიკუთვნების შეუსაბამებ  
/ამბ. ჩალაძე/

აბრეშვილი: ამბ. ბუხრაძე

თბილისის საქალაქო საბჭოს ადმინისტრაციის განცხადებით:

1. თბილისის საბ. რაიონში მდებარე კობახიძის ქუჩის უბანის მსოფლიო-  
ში კონსტრუქციის მიგრაციის, სსრ კავშირის სახელმძღვანელო კონსტრუქციის  
მიგრაციის, სახელმძღვანელო კავშირის გვირგვინის კონსტრუქციის იური ადვოკატის ძე  
გაგარინის სახელით.

2. დაველოდოთ თბილისის რაიონის საბინაო სამმართველოს შეცვალის  
ნაბიჯებში, ხოლო ფაქტობრივ ინვესტიციების ბიუროში თბილისის საქალაქო  
ქალაქის უბანის მიგრაციის მიხედვით, "მთავარ კონსტრუქციის", მიგრაციის სამმართველო  
საპასუხოდ განცხადებამ და სამინისტროს ბიუროში შეიქმნა სათანადო  
დოკუმენტაციაში.

205


§2  
შეკითხვით  
29 მარტი  
1968 წელი

საბინაო ტერიტორიაზე მდებარე საბინაო-  
სამშენებლო კომპლექსი "ავტარა 144"-ის  
8 სართულიანი, 48 ბინიანი საცხოვრებელი  
სახლის ექსპლუატაციაში მიღების შესახებ  
/იხ. დანართი/

206

§3  
შეკითხვით  
29 მარტი  
1968 წ.

საბინაო ტერიტორიაზე მდებარე საბინაო-  
სამშენებლო კომპლექსი "ავტარა 143"-ის  
8 სართულიანი, 48 ბინიანი საცხოვრებელი  
სახლის №1-ა/ კორპუსის ექსპლუატაციაში  
მიღების შესახებ  
/იხ. დანართი/



თბილისის საქალაქო საბჭოს ადმინსკომისა გარანტიცა:

1. დამტკიცდეს ღენინის რაიონის სკოლების მასწავლებელთა მიერ შექმნილი №233 საბინაო-სამშენებლო კოოპერატივი 24 წევრის შემადგენლობით /სია თან ერთვის/.

2. საბინაო-სამშენებლო კოოპერატივი №233-ის სახლის მშენებლობა განხორციელდეს ოქტომბრისა და ჩოქრიძეების ქუჩების კუთხეში, რეკონსტრუქციის ზონაში.

3. დავალოს ბუღალტერიშვილ კოოპერატივის გამგეობას ღენინის რაისა-ბჭოს ადმინსკომთან ერთად უზრუნველყოს ფერიფორიის განაუიუსუფლება შენობა-ნაგებობისაგან და' მათში მცხოვრები მოქალაქეების დაქმანოფილება საცხოვრებელი ფართით.

240

§36

ს ა ნ ი ე უ მ ი ე მ


/იხ. განსაკუთრებულ გარანტიცევილებათა საქმე/.

თბილისის საქალაქო საბჭოს  
ადმინსკომის თავმჯდომარე-

*მ. ბუხრაშვილი*  
მ. ბუხრაშვილი

თბილისის საქალაქო საბჭოს  
ადმინსკომის დირექტი-

*ვ. ჩაიძე*  
ვ. ჩაიძე



*3/17*



12

1920 წ. ივლისი 20

ქ. თბილისში, ი. გაგარინის ქუჩის II შესახვევისათვის მ. ქანთარიას სახელის მინიჭების შესახებ

საქართველოს კანონის „გეოგრაფიული ობიექტების სახელების შესახებ“ მე-10 მუხლის თანახმად

ქ. თბილისის საკრებულო ადგენს:

ქ. თბილისში ი. გაგარინის ქუჩის II შესახვევს ეწოდოს „ბგოთა კავშირის გზის მუდმივი ქანთარია სახელი“.

საკრებულოს თავმჯდომარე



ზ. ბეგაშვილი



საქართველო, თბილისი, კოსტავას 67/69. ტელ.: 2 238 234; მობ.: 599 33 47 70  
67/69 kostava Str., Tbilisi, Georgia. Tel.: 2 238 234; Mob.: 599 33 47 70

ქალაქ თბილისის საკრებულოს თავმჯდომარეს,

ბატონ გიორგი ტყემალაძეს

ბატონო გიორგი,

მოგახსენებთ, რომ ქალაქ თბილისის საკრებულოს 2006 წლის 12 ივლისის დადგენილებით, ქ. თბილისში ი. გაგარინის ქუჩის II შესახვევს ეწოდა მეორე მსოფლიო ომის გმირის მელიტონ ქანთარია სახელი.

დაზუსტებული ინფორმაციის თანახმად, რამდენიმე თვის წინ ქ. თბილისის საკრებულოს გადაწყვეტილებით აღნიშნულ ქუჩას სახელი შეეცვალა და ეწოდა პროფესორ აკაკი გახოვიძის სახელი.

მინდა გითხრათ, რომ საკრებულოს ეს გადაწყვეტილება მოულოდნელი იყო ჩვენთვის, ასევე ვეტერანთა საზოგადოებისათვის. იმთავითვე ვგმობთ ამ ფაქტს და გამოვხატავთ აღშფოთებას. ყველა მეცნიერი და პროფესორი, მართალია, დასაფასებელია, მაგრამ ეს არ უნდა მოხდეს სხვა პირის სახელისთვის ჩრდილის მიყენების ხარჯზე, მითუმეტეს ისეთი პიროვნების, რომელმაც ერთერთმა განსაკუთრებულად გამოიჩინა თავი მეორე მსოფლიო ომში თავისი მხედრული მამაცობით. მელიტონ ქანთარია დევნილია აფხაზეთიდან. მას დაუწვევს საცხოვრებელი სახლი, გმირი გარდაიცვალა დევნილობაში და მისი შვილიშვილი, 21 წლის თამაზ ოჩიგავა გმირულად დაეცა აფხაზეთის ომში. მისი ნეშტი შარშან სამხედრო პატივით იქნა დაკრძალული თბილისის ძმათა სასაფლაოზე.

ჩვენ საკრებულოს ამ ვანდალურ გადაწყვეტილებასთან დაკავშირებით მკაცრი რეაგირებისათვის მივმართეთ ვეტერანთა სახელმწიფო სამსახურს, საქართველოს ომის, შრომისა და სამხედრო ძალების ვეტერანთა ცენტრალურ კავშირს, ომის ვეტერანთა ფედერაციას, ვეტერანთა მსოფლიო ფედერაციის საერთაშორისო წევრი

ორგანიზაციის საქართველოს ომისა და სამხედრო ძალების ვეტერანთა და მეომართა ასოციაცია „ვაზიანის კავშირ“-ს, აფხაზეთის ავტონომიური რესპუბლიკის უმაღლეს ორგანოებს.

ეს გადაწყვეტილება იმთავითვე არაა ღირსეული. იგი ჩრდილს აყენებს არა მხოლოდ ერთი კონკრეტული მეზობლი-გმირის სახელს, არამედ მთლიანად იმ ქართველთა ღირსებას, რომლებიც ვაჟკაცურად იბრძოდნენ მეორე მსოფლიო ომში.

ჩვენ გვაქვს ლოგიკური კითხვა: რატომ გადაერქვა ქუჩას სახელი და რა მიზნები იდგამ გადაწყვეტილების უკან? ჩვენ არ გვაქვს ახალი ინიციატივა, ვითხოვთ მხოლოდ აღნიშნულ ქუჩას დაუბრუნდეს მელიტონ ქანთარიას სახელი.

წინააღმდეგ შემთხვევაში, ჩვენ გამოვიყენებთ ყველა შესაძლო სამართლებრივ გზას, მათ შორის სასამართლოში მიმართვის უფლების ჩათვლით.



13. *ხანთარია*

პატივისცემით ბეკა ქანთარია  
სამართლის დოქტორი, პროფესორი  
26 თებერვალი, 2018 წელი, თბილისი

განცხადებას თან ერთვის ქ. თბილისის 2006 წლის 12 ივლისის დადგენილება.  
ფურცელი 1.

მისამართი: ქ. თბილისი, კოსტავას 67, ბინა 69, ევროპის აკადემიური ცენტრის ოფისი  
(საზოგადოებრივი მაუწყებლის პირდაპირ). ტელ: 599 33 47 70. ელ.ფოსტა:  
beka.kantaria@yahoo.de



ქალაქ თბილისის საკრებულო

დადგენილება № 72

12 ივლისი 2006 წ.

ქ. თბილისში, ი. გაგარინის  
ქუჩის II შესახვევისათვის  
მ.ქანთარიას სახელის  
მინიჭების შესახებ

საქართველოს კანონის „გეოგრაფიული ობიექტის  
სახელდების შესახებ“ მე-10 მუხლის თანახმად

ქ. თბილისის საკრებულო ადგენს:

ქ. თბილისში ი. გაგარინის ქუჩის II შესახვევს ეწოდოს  
საბჭოთა კავშირის გმირის მელიტონ ქანთარიას სახელი.

საკრებულოს თავმჯდომარე

ზ. ბეგაშვილი

„  
“

ქალაქ თბილისის საკრებულოს თავმჯდომარეს,

ბატონ გიორგი ტყემალაძეს

ასლი: ქალაქ თბილისის საკრებულოს სახელდებისა და სიმბოლიკის

კომისიის თავმჯდომარეს, ქალბატონ თინათინ ნიბლოშვილს

ჭეჭა ქანთარია №: 51001002256  
კოსტავა 67. ზინა 69  
599 334770

ქალბატონებო და ბატონებო,

მოგეხსენებათ, რომ მეორე მსოფლიო ომი ყველაზე ფართომასშტაბიანი და სისხლისმღვრელი ომი იყო კაცობრიობის ისტორიაში. საქართველო, როგორც ყოფილი საბჭოთა კავშირის შემადგენლობაში არსებული, ნებით თუ უნებლიეთ, ჩართულ იქნა ამ ომში. საქართველოს ათასობით მოქალაქემ თავი გამოიჩინა ომის ყველა ეტაპზე. ესენი იყვნენ როგორც გენერლები, ისე უბრალო ჯარისკაცები. მათ მხედრული მამაცობის მაგალითები უჩვენეს კაცობრიობას. საქართველო მტრის ერთგვარი პლაცდარმიც იყო. ომის წლებში დაიბოძა საქართველოს ზოგიერთი ქალაქი თუ სოფელი.

მეორე მსოფლიო ომის დამამთავრებელი ეტაპი იყო გერმანიის დედაქალაქის - ბერლინის აღება, რომელშიც მილიონობით ჯარისკაცი მონაწილეობდა. ამას ჰქონდა უდიდესი პოლიტიკური და სამხედრო მნიშვნელობა, რომელსაც მოკავშირეებიდან ყველაზე მატად ამერიკის შეერთებული შტატები აცნობიერებდა. სწორედ ამის გამო, ამერიკის სარდლობამ შეიმუშავა გერმანიის დედაქალაქის აღების გეგმა. თუმცა, ეს გეგმა მათ ვერ განახორციელეს. დედამიწიდან ათასობით გენერალი და მილიონობით მეომარი ოცნებობდა იმაზე, რომ რაიხსტაგამდე მიეღწია. ეს ოცნება ბევრისთვის ოცნებად დარჩა. სამწუხაროდ, ბევრი მათგანი ომის მრისხანე წლებმა შეიწირა. თუმცა ეს ოცნება რეალობად იქცა ორი ჯარისკაცისათვის. ერთერთი მათგანი იყო ქართველი მეზრძოლი მელიტონ ქანთარია, რომლის გმირობა მეორე მსოფლიო ომის გვირგვინია. მელიტონ ქანთარია ომის წლებში სამჯერი იყო მძიმედ დაჭირილი. კაცობრიობა თანდათანობით ივიწყებს მეორე მსოფლიო ომში დაღუპულებს, მაგრამ ამ ორი ჯარისკაცის სახელი დღემდე ცოცხალია. ისინი ამ ომის ერთგვარ სიმბოლოებად იქცა.

აღსანიშნავია ის ფაქტი, რომ მეორე მსოფლიო ომის დამთავრებიდან 70 წლის იუბილესთან დაკავშირებით, გაეროს შტაბ-ბინაში, ქ. ნიუიორკში, გამოფენილი იყო მეორე მსოფლიო ომის ყველაზე გამოჩენილი 15 გმირის ფოტო მსოფლიოდან. მათ შორის ერთ-ერთი იყო ქართველი მელიტონ ქანთარია.

მელიტონ ქანთარია სიცოცხლის უკანსკენელი დღეები დევნილობაში გაატარა. 1993 წელს, როდესაც დაეცა სოხუმი, ის იძულებული გახდა დაეტოვებინა მშობლიური სოხუმი და ოჩამჩირე. დაუწვევს სახლ-კარი. მისი შვილიშვილი კი ამ ომს შეეწირა. მელიტონ ქანთარია იყო სამშობლოზე უზომოდ შეყვარებული პიროვნება. ის არ ყოფილა არასდროს პარტიული ნომენკლატურის ნაწილი. ომის შემდგომ იგი ყველაფერს აკეთებდა თანამემამულეების, სხვა მოქალაქეების დასახმარებლად, როგორც საქართველოში, ისე მის ფარგლებს გარეთ. მისი წყალობით საბჭოთა რეჟიმის პირობებში უმარავი ადამიანი სამკურნალოდ გაემგზავრა ევროპის სხვადასხვა ქვეყანაში. მისი თხოვნით ძალიან ბევრ ადამიანს სასჯელის უმაღლესი ზომა - სიკვდილით დასჯა მოეხსნა. იყო ყველა გაჭირვებულის ქომაგი. იგი იყო ძალიან უბრალო - კეთილი, თავაზიანი, ისეთი, როგორც უნდა ყოფილიყო ომის ზნეობრივი გმირი. მელიტონ ქანთარია არ ყოფილა მხოლოდ ამ ტიტულის მატარებელი, ის იყო ნამდვილი სახალხო გმირი.

აღბათ იცით, რომ ქალაქ თბილისის მერიამ საქართველოს კულტურისა და ძეგლთა დაცვის სამინისტროსთან თანხმობით, ორი წლის წინ, ვეტერანთა კულტურისა და დასვენების პარკში (ე.წ. კიკვიძის პარკი) მელიტონ ქანთარიას ბიუსტი გახსნა. ამით დედაქალაქმა პატივი მიაგო ქვეყნის სასიქადულო შვილს. სამწუხაროა, რომ დედაქალაქის მეორე ორგანომ, საკრებულომ კი, მისი სახელი თბილისის ერთერთ ქუჩას გადაარქვა და სხვა პიროვნების სახელი მიანიჭა. დამერწმუნეთ, რომ ქიმიკოსები, ფიზიკოსები და სხვადასხვა დარგში წარმატებული მეცნიერები საქართველოს ყოველთვის ჰყავდა და მუდამ ეყოლება. ომის გმირები და მებრძოლები კი დაფასებას და პატივგებას მოითხოვენ ჩვენგან, მითუმეტეს, რომ დღეს ჩვენი ქვეყანა კვლავ, საწუხაროდ, ომის რეჟიმშია მეზობელ ქვეყანასთან. ასეთ პირობებში ქართველი ვაჟკაცების, მით უფრო, ქართული სამხედრო დიდების პოპულარიზაცია აუცილებელია.

2006 წლის 12 ივლისს ქალაქ თბილისის საკრებულომ საბურთალოში, გაგარინის მეორე შესახვევს მელიტონ ქანთარიას სახელი უწოდა. როგორც ჩვენთვის გახდა ცნობილი, ამ პატარა ქუჩის შენობა-ნაგებობებიდან უტიფრად იქნა ჩამოხსნილი მეორე მსოფლიო ომის გმირის სახელი. ნუთუ ამის შესახებ ვეტერანთა ორგანიზაციებთან არ უნდა ყოფილიყო კონსულტაცია? ან რატომ არ იყო ამის შესახებ ცნობილი მელიტონ ქანთარიას ოჯახისათვის? ეს პროცესი არ უნდა ყოფილიყო გამჭვირვალე? ყველას ხომ უნდა შესძლებოდა საკუთარი აზრის გამოხატვა? ჩვენ არ ვიცით, რომელი მოწვევის საკრებულომ განახორციელა ეს ვანდალური აქტი. არც ის ვიცით, თუ ვისი ინიციატივით გადაერქვა ქუჩას გმირის სახელი.

გაგარინის მეორე შესახვევს მაშინ გმირის სახელი აფხაზეთის ინტელიგენციის ერთი ნაწილის თხოვნით მიენიჭა. იქვე ერთმანეთის მიყოლებით არის ჟიული შარტავას, ვიტალი დარასელიას და ოჩამჩირის ქუჩები. იქაური მცხოვრებლები, სწორედ ამის გამო, ამ ადგილს „აფხაზეთის კუნძულს“ უწოდებს.

საკრებულოს შეეძლო მელიტონ ქანთარიას ქუჩისთვის სახელი არ გადაერქმია და პროფესორ აკაკი გახოკიძის სახელი რაიონში მდებარე სხვა ქუჩისთვის ეწოდებინა.

ჩვენ ვგმობთ ამ ფაქტს და ვითხოვთ აღნიშნულ ქუჩას დაუბრუნდეს მეორე მსოფლიო ომის ლეგენდარული გმირის მელიტონ ქანთარიას სახელი.




პატივისცემით, მელიტონ ქანთარიას ოჯახის სახელით:



ციალა ქანთარია

მელიტონ ქანთარიას შვილი, აფხაზეთიდან დევნილი




მერაბ ქანთარია


მელიტონ ქანთარიას შვილიშვილი,

აფხაზეთიდან დევნილი


მელიტონ ქანთარიას ნათესავებისა და ახლობლების სახელით:




ბექა ქანთარია



ბაჩუკი ქანთარია



ირაკლი ქანთარია



მერაბ ქანთარია

28 თებერვალი. 2018 წელი

საკონტაქტო პირი ბექა ქანთარია:

კოსტავას გამზირი 67, ბინა 69. ევროპის აკადემიური ცენტრის ოფისი.

ტელ: 599 33 47 70. ელ-ფოსტა: beka.kantaria@yahoo.de

სსიპ  
ვეტერანების საქმეთა  
სახელმწიფო სამსახური

საქართველო, ქ. თბილისი 0114, გორგასლის ქ. 75  
ტელ: (+995 32) 248 16 26, ელ-ფოსტა: info@veterans.gov.ge



LEPL  
State Service of  
Veterans Affairs

75 Gorgasali str., Tbilisi 0114, Georgia  
Tel: (+995 32) 248 16 26, E-mail: info@veterans.gov.ge



SSVA 00004382

27/02/2018

ქ. თბილისის საკრებულოს სახელდების კომისიის  
თავმჯდომარეს ქალბატონ თინათინ ნიბლაშვილს

ქალბატონო თინათინ,

მინდა თქვენი ყურადღება გავამახვილო ამ ბოლო დღეებში მელიტონ ქანთარიას ქუჩის სახელწოდების შეცვლასთან დაკავშირებით გამწვავებულ საკითხზე.

ვეტერანების საქმეთა სახელმწიფო სამსახურს მომართავენ ომისა და სამხედრო ძალების ვეტერანები, რომლებიც აპროტესტებენ ქუჩისათვის სახელის გადარქმევას. განსაკუთრებით აქტიურობენ II მსოფლიო ომის ვეტერანები, რომელთათვისაც მელიტონ ქანთარიას სახელი ასოცირდება ფაშიზმთან მეზობლად თითოეულ ქართველთან და ჩვენი თანამემამულეების მხრიდან გაღებულ უზარმაზარ მსხვერპლთან. ამდენად, ვეტერანები ამ ფაქტს პირად უპატივცემულობად და შეურაცხყოფად მიიჩნევენ.

ვეტერანების საქმეთა სახელმწიფო სამსახურის მრავალათასიან ბენეფიციართა სახელით მოგმართავთ თხოვნით, შეუნარჩუნოთ მელიტონ ქანთარიას ქუჩას თავისი სახელი.

იმედს გამოთქვამ, რომ ქ. თბილისის საკრებულოს სახელდების კომისია არ გააწბილებს ვეტერანების მოლოდინს.

პატივისცემითა და შემდგომი ნაყოფიერი თანამშრომლობის სურვილით.

სსიპ ვეტერანების საქმეთა სახელმწიფო სამსახურის  
დირექტორი ვლადიმერ იმნაძე

სსიპ

ვეტერანების საქმეთა  
სახელმწიფო სამსახური

საქართველო, ქ. თბილისი 0114, გორგასლის ქ. 75  
ტელ: (+995 32) 248 16 26, ელ-ფოსტა: info@veterans.gov.ge



LEPL  
State Service of  
Veterans Affairs

75 Gorgasali str., Tbilisi 0114, Georgia  
Tel: (+995 32) 248 16 26, E-mail: info@veterans.gov.ge



SSVA 00004914

05/03/2018

ქალაქ თბილისის მუნიციპალიტეტის  
საკრებულოს თავმჯდომარეს  
ბატონ გიორგი ტყემალაძეს

ბატონო გიორგი,

სსიპ ვეტერანების საქმეთა სახელმწიფო სამსახურს 2018 წლის 03 მარტს განცხადებით (N4643) მომართა მოქალაქე ბექა ქანთარია, რომელიც ითხოვს ქუჩისათვის ბიძამისის, საბჭოთა კავშირის გმირის, მელიტონ ქანთარიას სახელის დაბრუნებას. ჩვენს ხელთ არსებული ინფორმაციით, ქალაქ თბილისის მუნიციპალიტეტის საკრებულოს 2006 წლის 12 ივლისის N72 დადგენილებით, ქ. თბილისში, ი. გაგარინის ქუჩის მე-2 შესახვევს საბჭოთა კავშირის გმირის მელიტონ ქანთარიას სახელი ეწოდა.

როგორც განცხადებიდან ირკვევა, აღნიშნულ ქუჩას რამდენიმე თვის წინ სახელი შეეცვალა და ეწოდა პროფესორ აკაკი გახოკიძის სახელი. ჩვენი უწყება მიესალმება ყოველი ღვაწლმოსილი ადამიანის დაფასების გამოხატვას, მაგრამ დამეთანხმებით, რომ ეს არ უნდა მოხდეს ისტორიული გმირების დიდების შეზღუდვის ხარჯზე. საქართველოს კანონი „სამშობლოს დაცვისას დაღუპულთა და ომის შემდეგ გარდაცვლილ მეომართა ხსოვნის უკვდავყოფის შესახებ“ ყველა სახელმწიფო უწყებას ერთნაირად ავალდებულებს, მომავალ თაობებს შემოუნახოს და გადასცეს იმ ადამიანების სახელები, რომლებიც ეპოქებს ჰქმნიდნენ. მელიტონ ქანთარია ერთ-ერთია მათ შორის, რადგანაც იგი იმ პერიოდისათვის მსოფლიოს უდიდესი მტრის - ფაშიზმზე გამარჯვების სიმბოლოდ იქცა.

იმედი გვაქვს, გაგებით მოეკიდებით ჩვენი უწყებისა და მელიტონ ქანთარიას ოჯახის გულისწყრომას და გაგვარკვევთ, რამ განაპირობა ზემოთაღნიშნული ფაქტი. ასევე, გთხოვთ, სათანადო რეაგირება მოახდინოთ იმ ხარვეზის გამოსასწორებლად, რაც გმირის სახელის უკვდავყოფას უკავშირდება.

სსიპ ვეტერანების საქმეთა სახელმწიფო სამსახურის  
დირექტორი ვლადიმერ იმნაძე



# საქართველოს პარლამენტის წევრი

№ 2564/3-46  
06.03.2018

ქ.თბილისის მუნიციპალიტეტის საკრებულოს  
სახელდებისა და სიმბოლიკის კომისიის თავჯდომარეს

ქალბატონ თინათინ ნიბლოშვილს

ასლი: სსიპ ვეტერანების საქმეთა  
სახელმწიფო სამსახურს  
ქ.თბილისი, გორგასლის ქ. №75

ქალბატონო თინათინ,

გაცნობებთ, რომ საქართველოს პარლამენტში შემოვიდა სსიპ ვეტერანების საქმეთა სახელმწიფო სამსახურის დირექტორის ვლადიმერ იმნაძის განცხადება №046 სადაც აღნიშნულია, რომ თბილისის მუნიციპალიტეტის საბურთალოს რაიონში არსებული ერთ-ერთი ქუჩა ატარებდა მეორე მსოფლიო ომის გმირის მელიტონ ქანთარიას სახელს, თუმცა ქ. თბილისის მუნიციპალიტეტის საკრებულოს გადაწყვეტილებით აღნიშნული ქუჩის ნაწილს შეეცვალა სახელწოდება, რამაც უკმაყოფილება გამოიწვია, როგორც მელიტონ ქანთარიას ოჯახის წევრებში, ისე მეორე მსოფლიო ომის ვეტერანებში და ითხოვენ ზ/ა ქუჩისთვის მელიტონ ქანთარიას სახელის აღდგენას.

გთხოვთ, შეისწავლოთ აღნიშნული საკითხი, რათა დაკმაყოფილდეს განცხადება შესაძლებლობისა და კომპეტენციის ფარგლებში.

აგრეთვე გთხოვთ, წერილობით აცნობოთ მაჟორიტარი პარლამენტის წევრის ბიუროს და განმცხადებელს მიღებული გადაწყვეტილების შესახებ.


დანართი 01 ფურცელი

პატივისცემით,  
გლდანის №20 მაჟორიტარული ოლქის  
მაჟორიტარი პარლამენტის წევრი

კობა კობალაძე

სსიპ  
ვეტერანების საქმეთა  
სახელმწიფო სამსახური

საქართველო, ქ. თბილისი 0114, გორგასლის ქ. 75  
ტელ: (+995 32) 248 16 26, ელ-ფოსტა: info@veterans.gov.ge



LEPL  
State Service of  
Veterans Affairs

75 Gorgasali str., Tbilisi 0114, Georgia  
Tel: (+995 32) 248 16 26, E-mail: info@veterans.gov.ge



SSVA 00004652

01/03/2018

საქართველოს პარლამენტის თავდაცვისა და უშიშროების  
კომიტეტის თავმჯდომარის მოადგილეს  
ბატონ კობა კობლაძეს

ბატონო კობა,

თითოეული ჩვენთაგანისთვის ფასდაუდებელი და საამაყო ქართველი გმირების თავდადება, რომელთაც ღირსეული წვლილი შეიტანეს მეორე მსოფლიო ომში გამარჯვებაში. ჩვენი სახელმწიფოს მიზანია მათთვის ღირსეული ცხოვრების პირობების შექმნა და გარდაცვლილ გმირთა სახელების უკვდავყოფაზე ზრუნვა. მეორე მსოფლიო ომის მონაწილეებს შორის განსაკუთრებული აღნიშვნის ღირსია მეორე მსოფლიო ომის ქართველი გმირის, გამარჯვების დროშის აღმმართველის და ფაშიზმზე გამარჯვების ერთ-ერთი სიმბოლოს მელიტონ ქანთარას დამსახურება. მელიტონ ქანთარას დამსახურების აღიარებისა და მისი სახელის უკვდავყოფის მიზნით თბილისის ერთ-ერთი ქუჩა ატარებს მის სახელს, თუმცა როგორც ჩვენთვის გახდა ცნობილი ქ. თბილისის მუნიციპალიტეტის საკრებულოს გადაწყვეტილებით აღნიშნული ქუჩის ნაწილს გადაერქვა სახელი, რამაც სამართლიანი უკმაყოფილება გამოიწვია მეორე მსოფლიო ომის ვეტერანებში და მელიტონ ქანთარას ოჯახის წევრებში.

აღნიშნულიდან გამომდინარე, მოგმართავთ თხოვნით მიმართოთ ქ. თბილისის მუნიციპალიტეტის საკრებულოს შუამდგომლობით თბილისში არსებული შესაბამისი ქუჩისათვის მელიტონ ქანთარას სახელის აღდგენის შესახებ.

პატივისცემით,

სსიპ ვეტერანების საქმეთა სახელმწიფო სამსახურის  
დირექტორი ვლადიმერ იმნაძე

*ვ. იმნაძე*

მასშობისა და პარლამენტის წინაშე
პოპა კობლაძის გიორგი
შეხვედრა № 046
5-03-2018
შსსი. ბატონობა - 01



# ქალაქ თბილისის მუნიციპალიტეტის საკრებულო



წერილის ნომერი: 03-031734257

თარიღი: 08.12.2017

ადრესატი:

ქალაქ თბილისის მუნიციპალიტეტის სსიპ ქალაქ თბილისის  
მუნიციპალიტეტის არქიტექტურის სამსახური

მისამართი: შარტავას ქ. 7

ასლი

ლიანა შარაშენიძე

პირადი ნომერი: 01009016281

მისამართი: თბილისი შ.ნუცუბიძის ფერდ II მ/რ  
IV კვ. N 6 ბ. 17

გაცნობებთ, რომ სახელდებისა და სიმბოლიკის კომისიაში მიმდინარეობს ადმინისტრაციული საქმისწარმოების პროცესი მოქალაქე ლიანა შარაშენიძის 2017 წლის 31 ივლისისი მატერიალური სახით შემოსულ N8591 განცხადებაზე. რომლითაც მოთხოვნილია ქ.თბილისში, ნუცუბიძის ფერდობის II მკ/რნ IV კვ N6-ის მიმდებარედ უსახელო ქუჩის სახელდებას.

როგორც მოგეხსენებათ, ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ ქალაქ თბილისის მუნიციპალიტეტის საკრებულოს 2015 წლის 16 ივნისის #14-59 დადგენილების მე-9 მუხლის მე-3 პუნქტის თანახმად, კომისია ვალდებულია სახელდების შესახებ დაყენებულ ინიციატივას დაურთოს ქ.თბილისის მუნიციპალიტეტის მერიის შესაბამისი სამსახურიდან (სსიპ-ქ.თბილისის მუნიციპალიტეტის არქიტექტურის სამსახური) მოპოვებული გეოგრაფიული ობიექტის აღმნიშვნელი კარტოგრაფიული მასალა XY კოორდინატების მითითებით WGS-84 კოორდინატთა სისტემაში. სახელდებისა და სიმბოლიკის კომისიის მიერ ინტერაქტიული რუკის მეშვეობით შესწავლილი იქნა უსახელო გეოგრაფიული ობიექტის მდებარეობა და მის მიმდებარედ სახელდებული ქუჩები. ჩვენი მოსაზრებით, ქუჩის განვითარების არეალმა უნდა მოიცვას ჩვენს მიერ რუკაზე არაპროფესიონალურად მოხაზული ტერიტორია (იხილეთ დანართი).

გთხოვთ, შეისწავლოთ განცხადებაში მითითებული გარემოებები და გამოგვიგზავნოთ ქუჩის სიტუაციური ნახაზი ქ. თბილისის მუნიციპალიტეტის საკრებულოს 2015 წლის 16 ივნისის #14-59 დადგენილების შესაბამისად.

ქალაქ თბილისის მუნიციპალიტეტის  
საკრებულო - სახელდებისა და  
სიმბოლიკის კომისია - კომისიის  
თავმჯდომარე

*თ. ნიბლოშვილი*

თინათინ ნიბლოშვილი



ქალაქ თბილისის მუნიციპალიტეტის მერია  
**არქიტექტურის სამსახური**



წერილის ნომერი: 60-01180121517

თარიღი: 12.01.2018

ადრესატი:

ქალაქ თბილისის მუნიციპალიტეტის საკრებულო

მისამართი: თავისუფლების მოედანი N2

**ქ.თბილისის მუნიციპალიტეტის საკრებულოს სახელდებისა და  
სიმბოლიკის კომისიის თავჯდომარეს ქ-ნ თინათინ  
ნიბლოშვილს**

**მის:თავისუფლების #2**

**ტელ:+995(32)2 15 92 92**

**ქალბატონო თინათინ**

ქ.თბილისის მუნიციპალიტეტის სსიპ - ქ.თბილისის მუნიციპალიტეტის არქიტექტურის სამსახურმა განიხილა თქვენი 08.12.2017 წლის # 03-031734257 (08.12.2017 #14-01173423044-60) განცხადება, რომლის პასუხადაც გაცნობებთ, რომ თქვენი მოთხოვნის შესაბამისად გიგზავნით კარტოგრაფიულ მასალებს არსებული ჩიხების, შესახვევებისა და გასასვლელების მითითებით.

სსიპ ქალაქ თბილისის მუნიციპალიტეტის  
არქიტექტურის სამსახური - მიწის ნაკვეთის  
საზღვრების მომზადების განყოფილება -  
განყოფილების უფროსი

რუსუდან გეჯაძე